

**Zeitschrift:** L'ami du patois : trimestriel romand  
**Band:** 42 (2015)  
**Heft:** 160

**Artikel:** Lè bëatitudè  
**Autor:** Meyer, Placide  
**DOI:** <https://doi.org/10.5169/seals-1045246>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 01.04.2025

**ETH-Bibliothek Zürich, E-Periodica, <https://www.e-periodica.ch>**



## LÈ BÈATITUDÈ

Placide Meyer, Bulle (FR)

- 1 *In vêyin totè hou dzin, Jézu l'è montâ chu la montanye. Chè achètâ è chè dichiple chè chon teri pri dè li.*
- 2 *Pu l'a prê la parola po lè j'inchènyi ; i di :*
- 3 *Bènirà hou ke rèkonyechon lou pourêtâ d'èchpri, pêrmô ke le paradi lou j'apartin !*
- 4 *Bènirà hou ke lègremon, pêrmô ke cheron koncholâ !*
- 5 *Bènirà hou ke chon dà, pêrmô k' èretèron la têra !*
- 6 *Bènirà hou ke l'an fan è chê dè la djuchtiche, pêrmô ke cheron rèvon !*
- 7 *Bènirà hou ke fan pràva dè bontâ, pêrmô k'on arè dè la bontâ por là !*
- 8 *Bènirà hou ke l'an le kà chépro, pêrmô ke vêron Dyu !*
- 9 *Bènirà hou ke prokuron la pé, pêrmô ke cheron a non fe dè Dyu !*
- 10 *Bènirà hou ke chon chèkutâ po la djuchtiche, pêrmô ke le paradi lou j'apartin !*
- 11 *Bènirà cheri-vo kan on vo j'inchultèrè, k'on vo chèkutèrè è k'on derè fôchamin dè vo tota chouârta dè mô a kouja dè mè !*
- 12 *Rèdzoyidè-vo è vo fô ithre din l'alègranthe, pêrmô ke vouthra rèkonpincha cherè granta din la yê. Chin ke l'è chur, l'è dinche k'on a chèkutâ lè chenedzèri ke l'an vèku dèvan vo !*
- 13 *Ma vo j'ithè la chô dè la têra. Ma che la chô pê cha chavà, avui tyè porinno la li rindre ? I chê tyè mé a ithre fotya lèvi è troupâ pê lè j'omo.*
- 14 *Vo j'ithè la lumyére dou mondo. Ouna vela chètya chu ouna montanye pou pâ ithre katcha.*
- 15 *È on'inprin panyi ouna lanpa po la betâ dèj'on kuvihyo, ma on la betè chu chon lanpadéro è i èhyèrè ti hou ke chon din la méjon.*
- 16 *Dè la mima manère, i fô ke vouthra lumyére hyirichè dèvan lè j'omo po ke vêyichan vouthra bala fathon dè fére è ko chin ke chèlèbrichan la glouâre dè vouthron Chènya dè la yê.*



Chœur des  
Armaillis de la  
Gruyère. Photo  
Bretz, Poya 2013.